


Cal kede coc me anyut: Willem de Vink

YECU ALAR

DANO AME LOKO WILOBO

YECU ALAR Willem de Vink



OBEDO NGO...



Akwena: Alub kor yecu (p.18).

Alar: 'Abaka ame owiro' Alar (leb Eburania) ogonyo i Leb-Grik ni Kricito (p.52, 55).

Baibul: Iyi Baibul, iromo kwanno kit ame Obanga neno kede joo kede kit ame En tio ked-gi.

Bal: Jami ame wan otimo ame pe rwatte kede miti Obanga dok ame gengo wa tuno kan ame Obanga mito ni otun iye (p.4).

Camo kom Rwot: Olub Yecu poyo too mere kede cer mere kede ogati kede kongo olok.

Catan: Akwor Obanga kede dano ame kome pe nen (en dang joo lwongo ni catan).

Cer: Yecu ocer ikin joo otoo. Nino moro, joo ducu bino cer ikin joo otoo. Iyonge, Obanga bino ngollo kop iwi dano ducu (p.53-57).

Cuny Acil: Cuny Obanga ame en mito bedo kede ikom joo ame tye alubbo Yecu (p.58).

Dwogo: Obino rocco ginoro ducu dokko anyen ka Yecu odwogo ilobo. Obanga bino rocco polo kede lobo dokko anyen (p.57).

Gum: Jami abeco ducu ame Obanga mito miyo bot joo ducu ame tye atimmo gin ame En mito.

Iyee: Igeno Obanga me timmo gin ame en ocikere me timmo.

Kica: Obanga timo kica, akadi bed ni ngatoro pe tye opore me nwongo. Obanga timo kica ka cunyi cwer pi timmo bal dok itye atera me lokere. Kica dong romo timere pien yecu okanyo pwod ame myero wan onwong (p.58).

Kwayo Obanga: Iloko kede Obanga, aliling onyo alongo dok i winye (p.18, 19, 42).

Kwoo aperakino: Kwoo kede Yecu kit ame Obanga oyiko ni bed kede. En oloo too dok agiki mere pe (p.23, 29 30 kede 59).

Loc Obanga: Loc Obanga nwongere kan ame joo lubo kopere iye.


Malaika: Akwena Obanga ame pe nen (p.5).

Paska: Karama ame okwero iye cer a yecu. Ojudaya kwero ecuban me i nino acel-lu. (p.38-54).

Wot Obanga: Nying Yecu. En obedo Obanga ame obino ilobo acalo dano, acalo Wot Obanga.

Yat aria: Gi canno joo ame yecu ojale me too iye pire kene. Odoko anyut bot olub kor Yecu ducu (p.25,50).

Yecu: Nying Wot Obanga, 'gonyo ni Obanga laro'.





KARE A YECU

Kare wa cakere kede nywalle a Yecu. Joo nwongo woto kede tyen onyo kana, inaga, onyo i dinge agura-gura. Pol a but lobo Ulaya, lobo Orabu, kede tung malo me lobo Ocol nwongo tye ite loc a Jo-Roma. Pol a joo nwongo pe romo kwan kede coc, ento ojudaya me Icirael nwongo twero. Nwongo olwongo gi ni 'joo me Buk'.

Obanga loko iyi Buk, buk Baibul. En ame obedo acwee jami ducu ame tye dang dok mito bedo awot kede joo ducu. Yecu onyutu man kan aler!


YECU OBEDO NGA? ALAR?

Yecu okwoo cocok mwaki 2,000 anגע ilobo me Icarael. Wan olwonge ni 'Yecu Alar' onyo Yecu Kricito.' Gonyo ni en obedo Abaka. Aco en pe obedo kara Abaka keken. Olwongo Yecu ni 'wot Obanga' kede dang ni 'Wot a Dano'. Man gonyo ni en obedo meg Obanga kede meg a joo. Kop akwako kwoo a Yecu tye ocano aber iyi baibul. En ame obedo kop adit alo pi kare lung.





ICRAEL IKARE A YECU



Boma adit: Jerucalem

But pinye: Galilaya, Camaria, Judea.

Cayi: Cocok mayiro 10,810 i lac kede ari mere.


Kit piny: Cal kede kan ame ceng ryeny iye pi kare ducu.

Loc me lobo: Cakko i mwaka 63 (ame pwod per ru onywalo Yecu) Jo-Roma en obedo loyo Icarael.

Gamente: Pontio Pilato, aloc me Roma ocimo aloo lobo Icarael. Tiberio, aloc me Roma aloo Pilato.

Dini: Dini ojudaya. Ojudaya ot woro Obanga i Jerucalem. Olam dog tye ame tio kit tic ducu pi dini-ni dang opwonye tye (calo bala oparicayo) ame myero nyuti joo gi me aluba ame oya iyi Baibul.

Lebe: Eburunia (leb Ojudaya), Grik (leb ame oloko ilobe apol), Latin (leb Jo-Roma).



Ngo ame omio joni ducu tye ocokere kan idog pii?



Yubere wunu!
Obanga bino timmo
ginoro anyen!



Cak kwoo anyen!



Yin pe iromo lwii ibot Obanga. Lee me ngollo kopere dong tye okoo ite lwit-yen.



Yatoro ducu ame pe bino nyakko nyige abeco obino tongo oko piny ote bolo iyi mac.




Winy kop-po. Pe otye ame opore wunu ame oromo?

Pe tye ngatoro ame romo bwot ingollo kop Obanga. Ento iyonge an, ngatoro tye abino ame romo loko kwo ni aber.



Itye imitto ni kwoo-ni lokere atika? Bin idony iyi pii-ni me wek ibed ame ibatija.




Man dong olwoki oko ibal-li me cakko kwoyo kwoo anyen.




Ngatoro ducu lwongo arabkop idog nam ni Lakana Abatija...


Pe tye pira. An atye ayubbu-wu pi ngat okene. En bino nyuti-wa ngo ame Obanga mito. En bino batija wu kede mac me cuny Acil. Ame bino lokko-wu iyore duccu.



Eka iyonge...




An... Yin aye myero ibatija an!



Tim ka. Nwongo wan otye otimmo gin ame Obanga mito.




Apap, wek locci bin kede miti-ni cobere!



Oyot oyot dwonnoro te kato ipolo kun kobo ni...

Ateteni! Yin iwoda acel keken ame amaro. Yin aye ibedo dano ame cunya owinyo!

Lakana Abatija Yubbu jo me Icrrael pi bino a Alar. Ikin kare-ni, Jo-Roma loo but lobo adwong me wi lobo. Icrrael kara obedo but loc a Jo-Roma moro anonok...



Ojudayao bedo kuro gini Alar. Ibuke-gi acon, odwarpinyo bin ogecob ino mere. En bino miyo Icrrael doko atek...

Ento idog nam me Jorodan, Lakana abatija cimmo Yecu calo atin romo ame ojalo. (aneka pi laro lwak)...



Nen! En obedo atin romo Obanga ame kwanyo bal me lobo.



Cuny Obanga otello Yecu idi tim...

Yecu obedo kene idi tim pi nino 40, idye ceng kede iwor. En pe ocemo. En Olego. Oyubere pi tic ame okeme...



Yecu myero lub yika miti Obanga. Obanga mito ni myero ogony joo ikom lwooro me ngolokop loyo dano kede too...

Yecu okemere kede Catan, aloc me colpiny ame kome pe nen. Akwor Obanga kede dano-ni loo wilobo kede nyeko, twoo kede too...



Eh Apap! Atye amitto timmo miti ni!

Ento catan oketo tam icuny Yecu me kwanyo tamere okoo ikom tic ame Obanga ocwale iye...

Ka yin ibedo wot Obanga ateteni, lok gwenge-magi dok kwon.

Pe! Tye ocoo iyi buk Obanga ni: “dano pe kwoo kede kwon keken. Dano kwoo kede nyig lok ducu ame Obanga kobo.”

Ka yin ibeddo wot Obanga, nyut kan aler! Ngo-ye ipye iwi ot malo ipot piny. Pe tye ocoo ni omalaika bino jolli icing-gi?

Nen! Abino miyi twero ducu me wilobo. Ento yin myero irum congji ping inyima.


Iyonge mannonno, Catan oweko Yecu pi cawa moro anonok. Omalaika obino me konyo Yecu...

Pe! Tye dang ocoo ni: “Pe ibino temmo Obanga.”

Jer tenge ingetta yin catan! Tye ocoo ni: “Myero owor kede otii pi Obanga keken.”


Yecu odok i lobo me Galilaya kan ame en oya iye. Opong kede cuny Obanga. Ka en tye awot, joo olubu yore. Gin tye amito ngeyo ka Yecu obedo Alar...

I Kanan, ame tye, iwi kidi me Galilaya nyom tye awot anyim...



Yecu dang tye ika ecuban man, en kede totere kede owote mere okene...





Kapernaum obedo wang kwang me makko rec oywek ibut nam me Galilaya. Kan Yecu ocako lok ikom miti Obanga...



Kan dong en oyero iye okwena mere me acel...



Petero, kwang yea icuny pii kan atut ite bolo bwoo-ni kunu.




Adwong, wan otio atek idye iwor-lung dok pe omako ginoro keken.




Ento ka ikobo ni amano...



Ngo! Pe aromo yee!







Yecu owoto kede okwena mere kun beo itung malo me Irael. En tye akobbo bot ngatoro ducu ni ker Obanga tye abino. Lokere tye opong kede teko kede kica. En cango otwoo kede gonyo joo ikom twec me jogi. Joo apol olubo kore. Joo okene dang oya itwok piny okenne, kede Jerucalem, boma adwong me lobo Irael...




Itye kede winyo ka itye kede kero me neno ber Obanga. Ibino nwongo adwong.



Itye kede winyo ka itye kede cwer-cuny. Obino kweyo cunyi.



Itye kede winyo ka itimo gin aber bot joo ocele. Obanga bino bedo aber boti. Ka ikelo kuc, obino lwongi ni atin Obanga.




Tim bot jo ocele gin ame
yin imito ni otim boti.



Mar okwori dok ikwa
Obanga pir-gi.



Tim gin aber iyi imung, pe
me wayo tam a joo ikomi.



Ngat ame neno dako te
gommo, nwongo dong ocoto
cot kede oko icunye.



Wang obedo tara me kom. Ka
wangi tye acil, nwongo dong komi
ducu tye omenyo. Ento ka wangi
tye pol-pol, yin ibedo i col-piny.



Pe tye ngatoro ame romo
tiyo odonge aryo, romo
bedo Obanga, onyo lim.



Pe ibed kede podo ame kwakko nino
ame abino anyim. Kwong yenyo
Obanga kede gin ame en mito, jami
okene-ca ducu bino lubbo yore.



Tim kit ame an akobbo. Nwongo itye bala dano
ame ogero ode iwi lela. Ka pe itimo amanno, irom
ingat ame ogero ode ibur kwoyo.





Nino acel joo tye opong iyi ot kede ooko a ot a Yecu i Kapernaum...

Wan pe obino kato tung ca.

Myero obee iwir ot; Kabuto kede jami ducu



Ngo atye atimere kaca?

Wek gi bedi! Owote-no tye kede twon niye.



Bali dong otimmo kica oko!



Iwinyo wuno manno! Tek cuny angu omii ikobbo ni amanno!

En tye anywaro Obanga!


Obanga kene en aromo timo kica ikom bal.



Mene ame kobbo yot: Bali dong otimo kica oko, onyo, yaa malu iwoti?



Alar tye kede twero me timo kica ikom bal. Ento an akobo dang ni: kwany ka buto ni iwoti!



Me awura!

Eyo! Acang okoo! Pwoc bot Yecu!

Ongwalo twero wot!

Yecu timo jami apol abeco. Dok en loko kede ryeko meddo kede twer. En. Ento pe joo ducu yi-gi yom ikome. Otela tye amitto ni cikmyero cung. Gin tye akuru nenno ka Yecu tye alubbu cik. Acalo bala iceng cabit. Nino me cakko cabit-ti, cik kwero atek me timmo kit ticoro keken...



Man dano ame bade mito tude okoo. Oyee me cange tin, onyo pe?



Rie cingi!



Ayaa! Acang okoo!




Wan myero orweny Yecu okoo!




Oloc me Jerucalem myero bed kede ngec ni en tye arwenyo onywali me lobo man!

Ka dong telle ikin Yecu kede otela ocakere. Yecu oyaa okoo. En odonyo iyi yee kede okwena mere te kwangongo nam wot okoo. Ento...













Ling.
Bed
mot!




Gin otweo yee gi i but nam tung
okene. Koko moro anyen te
donyngo ikin godi...


RAAAAAH!
RAAAAAH!







Yin myero inge ni an atimo
ka gin ame Papa mito ni
atim. En ame o-ora.



Yecu kare kare obedo wot
kan ame oling mot me wot
kawyo obanga...




Iyonge iwor acel me lego,
Yecu oyero okwena mere
apar-wie-aryo. En o-oro gi
oko aryo-aryo. En omiogi
twero ikom cen areco kede
twoe...



Gin obedo omego
Petero kede Andrea...




Omege Yakobo
kede Lakana...



Pilipo kede Nacaneri...


Tomaci kede Matayo (gin
nwongo cwany ora ocoro
pi Jo-Roma ame nwongo
loo kunu)...



Tadeo kede Yakobo
okene ca...



Cimone, alweny ame jem
kede Juda won adot...



Wotu! Ngatoro keken ame
ojolo wu nwongo ojola, dok
ngatoro keken ame ojola,
nwongo ojolo ngat ame oora.



Okwena apar-wie-aryo
odwogo ame yi-gi yom ikom
tic ame oorogi iye. Otimo
gini ginoro ducu ame yecu
okobo. Iyonge man, Yecu
tye amitowot kan ame
oling ked-gi. Ento lwak pe
tye ayeyi-gi...

Nen! Kac tye adwong, ento otic
nok. Kwa Rwot me kac me en cwal
otic me bino kayo kac.



Yecu omedde i tuccu jiri kede cango joo. Ento, nwongo dong piny tye awot i yutu...

Pilipo, joni ducu anwongo cem ningo? Ngo ame agengo-wu miyo gi ginoro?



Wan otye ka kede cente anyige mia aryo man dong pe noko kanoro keken ame tye amite!


Kan tye iye awobi ame tye kede nyig ogati abic kede rece aryo. En gin ame tye ducu dong eno.

Mi joo bed i gurup me pyer abic-pyer abic.




Yecu opwoo Obanga...

Oturu yi ogati kede rece...



Joo tutu mia kede tutumia
ocemo kun Yecu nyao cem
medde adwong...



Wan myero
oyer en me
bedo kabaka!





En obedo Alar ateni
ame obin ociko pi wa!

Nen! Tye dite
aparwie aryo
iking me dek
ame odong!




Cawa dong oromo me ketto joo dok pacu.
Mak yee ikwang idok tung okene-ca. An
adong ikin godi kan me lego.





Joo okene tye amitto keto yecu bedo Abaka. Gin tye atammo ni en romo ryemmo Jo-Roma ame tye ilobo-gi. Okwor a Yecu tye amedde. Akadi bed bala en tye akonyo joo, odong dini tamo ni en tye aturu cik. Tye amitto cuppo joo ikome me nekkoo en okoo...





Ikor yoo, oneko joo. Oguru gi ikor yat aria, ngol me too alit a Jo-Roma...



Joo ame amitto lubba myero byel yat aria-gi te lubu yora.

Ngatoro keken ame mito gwokko kwoo mere bino rwenyo arwenya. Ento ngatoro keken ame bino jallo kwoo mere pira bino nwongngo.



Myero inge ni Obanga tye kara acel keken.

Gin ame piretek tye ni myero imar Obanga kede kwoo-ni ducu kede jo okene kite ame imaro kede komi keni.



Iyi lobo Irael, joo ame tye kede twoo del kom ame pe cil alubere kede cik. Opoko gi tenge. Ngatoro keken pe romo guddu gi...



Otwoo myero red me kwenyakino joo ni gin otye obino...

Pe acil!
Pe acil!



Yecu! Rwot. Kica maki ikom wa.






Wotu, nyut kom-wu bot alam dog.



Wot bot alam dog me nen kom-wu!

Nwongo dong obino cang?



?

!



Ehh! Duc-aduca!



Otye dong aber!

Bin!



Aleluya! Obanga ber! Opwoyo!



Pe wun apar ducu olonyo wu? Joo okene kono me pwoyo Obanga?



Ya malu! Niye ni pe ocangi keken, ento dang olari.

Odong dini i Jerucalem
ocwalo jo bot Yecu me
winynyo ngo ame en tye
akobbo. Pe romo bedo
keken ni en ber. Otye
omitto ni omake i ginoro
me oket adot ikome...

Yecu bedo karacel kede joo ame kwoo gi oballe. Calo
bala alaya. Kede oraa ocoro, ame tio pi Jo-Roma...

Alar obino me laro
joo ame orwenyo.




Yecu ocango otwoo i ceng
cabit ame pe oye me
ngatoro keken tii tic...

Nwong
cango!

Otino te cikko yit-gi
bote iyore amwonya...

Wek otino bin bota.
Ker me polo tye bot
joo acalo gin.



Joo olwongo Yecu i Betania,
calo moro ame cegi kede
Jerucalem. Kom Lajaro tye ame
lit atek. En kede amege mere
Marita kede Maliam obedo
owote a Yecu. Ikare ame Yecu
otunu ipacu no, owinyo ni
Lajaro orii ilyel odoko nino
angwen...



Kono nwongo itye kan,
kono omina pe otoo!

Marita, omini
dok bino kwo.

Ee do, angeo. En dok bino
kwoo doki inino me cero joo
otoo inino me agiki.

An abedo cer kede kwo.
Ngatoro keken ame yee ikoma
bino kwoo. Marita, iye man?

Eh Rwot! Aye ni yin aye
ibedo Alar ame ociko pire
me bino. Wot Obanga.

Iyike wunu kwene?

Rwot,
bin
inen!





Oloc i Jerucalem tye abedo kede tam
adwong ikom Yecu kede jo a lube...



Lon-no tio
tango apol.

Ka oweko omedde ni amano, Jo-Roma
akwanyo tyelotyelo... moro.

Abalo ot woro Obanga
wa okoo kede lobo wa.



Kong itam! Ber me dano acel
i too pi lobo mere apat kede
me balo joo ducu.




Dong Yecu-ni
myero onek oko!

Ico acel myero too pi joo
lung! En gin omio odong-dini
tye amoyo diro me makko
Yecu. En tye i yoo me wot
Jerusalem. Kano tye ame
opore. Gin tye amitto
Jo-Roma me ngolle too...


Ento ka bed ni amano, joo tye ikwer me lelo i Betania...




Kodi ballo jami ango!
Moo akur-ro romo wel adwong pat.



Maliam!




Nwongo myero wan ocat.
Nwongo myero omii cente mere bot ocan.




Juda, weke bedi. En ogwoko moo me yika.

Nino me ecuban me kato dong cok. Lwak joo woto i Jerucalem. Gin bino kello mot-ayala i ot woro Obanga...



Yecu odonyo iyi boma, kadi bed bala nwongo awuna tye...






Joo ojole kun-olelo irwom amalo...

Oyee!

Ocana!




Bed pi naka dano ame bino inying Obanga!

Abaka me Icrael




Jerucalem, kono nwongo ingeo kite me jollo kuc. Ento pe itye imitto jollo.



En myero wek tim man!

Wii lobo ducu tye alubbe.

Ot woro Obanga idye boma adwong en ame obedo kan adit me dini ojudaya...



I kare me kwero ecuban me kato, oneko otin romi...




Oyalo gi i Ot woro Obanga me weko bal a joo...



Ento kit atin romo mene me ayala ame romo gonynyo joo ikom bal-gi, lewic kede lworome ngollo-kop?




Idye kal me ot woro Obanga joo tye acat kede lokko cente...




Oyot-oyot atura, yecu otunu...







Ot Obanga myero bed ot me kwayo Obanga. Ento iloko wunu odoko adur me oyak.



En rac! Ento jo olubo nyig lokere acel-acel.



Myero onwong kare opore me rwenynyo en okoo.




Myero omoo diro me makke. Eka ote miyo nekko okoo.

Ento pe ikare me kwera. Woo moro pe ikare me kwero ecuban me kato.

ibino miya wunu cente adii pire?


Man Juda, akwena mere acel.



Abino miyo Yecu bot wu.

Obino miyi cente anyige me mola-atar nyige pyradek pi Yecu. Wel opii.

Ikare ame kwer me ecuban
me kato pwodi, Yecu oloko bot
joo i ot woro Obanga. Obin
ogeco ni obino reto Jerucalem.
Ngatoro ducu bino ngwec. Ento
en pe ibino kwanyo mara mere
ikom joo. Eka en te kobi Petero
kede Lakana me yubbo cam me
kwero ecuban me kato...




Iwi otyeno, Yecu kede okwena mere
apar-wie-aryo orwate idi boma...



Abino timmo
I dye wor
atin-ni.






Abedo tamo kwero
nino me ecuban me
kato ked-wu ame
pwod pe ru acanne.




Joo ame tye iloc mio joo
tio pir-gi, ento itung
bot-wu abedo aluc.



Ngat ame tio pii owote
mere aloo ikin-wu
abedo atel wi-wu.



An atye ikin
wu acalo atic.





Rwot, ibino lwokko tyena calo opii? Pe! Pe atwali!

Ka pe aromo lwokko tyeni, Petero, nwongo yin pe ibedo dano-na.



Rwot, dong lwok wia kede cinga dang iyore acel-lu!

Ngatoro ame dong olwokere okoo, myero ka dong ojwaa tyene bed acil.



Ilwonga ni Rwot kede Apwony, ame tye kakare. Calo bala alwoko tyen-wu, dong myero iti pii jo ocele iyore acel-lu.



Ngat acel ikin wu abino dwalla.


Pe atwali!

Pe obedo an, ce ni an?



Juda, ngo ame imitio timmo, tim oyot!





Tim man ikare lung me poyo ikoma.



Cam ogati-ni, obedo koma.



Mat ikopo ni, obedo remo-na ame omio pii lwoko bal-wu. Iyore-ni, Obanga omoko cikere mere anyen ked-wu.



Amiyo wu cik anyen. Mar wunu jo ocele, owote-wu kit ame amaro wu kede.



Ka mara na tye icuny wu, nwongo joo ducu angeyo ni wun ibedo jo ame luba.



Rwot, abino lubu yori kanoro keken. Abino jallo kwoo-na piri.

Petero, icawa ame twon gweno pwod pe okok, anwongo ikwera tyen adek.

Iyonge, otyeno naca, Yecu kede okwena mere oya
oweke di -boma. Juda pe tye iyi akina-gi...

An abino wekko wu, ento Papa
bino cwallo cuny acil me konynyo
wu. En bino konynyo wu kede
bedo ked-wu pi kare lung.

Ingeo wunu yoo me
wot kan ame an
atye awot iye.

An abedo yoo, ateni,
kede kwoo ateni. Pe
tye ngatoro ame romo
tunu bot papo abongo
beo ibota.

Dong wunu kan.
An akato anyim
anok me wot
kwayo Obanga.

Papa, ka twere,
kwany ikopo me
cane-ni okoo ibota.

Ento pe
miti-na
kono
miti-ni
myero
cobere.



Iromo nino wunu ningo?
Yaa wunu malo! Nen,
won adot tye kan.



Mak wunu ngat
ame anotto leme.



Rwot itye!
Juda, itye idwallo
Alar kede notto lem?



Rwot, olwenyi?



Wek
bedi!



Ikare ame Yecu oyee ni owot
kede, olube ongweco odok
tung apapat lung.

Otero Yecu bot alamdog adwong, atel wi otela ojudaya ducu.
Petero kede Lakana olubu yore kun dire kan abor...



Petero olwii oduyo idikal...



Nwongo pe itye kede en?



Pe! Pe dang angeo lonno.

Yin ibedo ngat acel iyi akina-gi, pe yin?



Pe kom!

An atye angeyo aber!
Yin nwongo itye kunaca.
Yin a Galilaya!




Pe angeo ngo ame itye ikobbo.



Kukukulur ukuuuk.



Wang Yecu orwate wang Petero...



Wot anyim, tuc bot wa! Nga ame ogoi?



Idiko mere, okelo Yecu inyim okiko me otela Ojudaya. Alamdog okwedo Yecu...

Yin ibedo Wot Obanga?

Yin aye ikobo.



Lok me cayo Obanga! En oromo too. Wek Jo-Roma penye!

Okelo Yecu bot aloc me Roma, ame pilato. Otela wi ojudaya orucu tam a joo ame nwongo tye kunu. Oredo idwon alongo ducu...



Ngo ame ikobo ikom adote-ni ducu? Pe ginoro?



An pe anwongo baloro ikom dano-ni. Obedo nino me kwera me ecuban me kato. Nga ame myero agony: Baraba ya abaka ojudaya?




Itimo ngo?

Abino me cung iyi ateni.



Ateni tye ningo?





Baraba!

Gonyu Baraba woti.



Ngo ame myero atim kede yecu-ni?

Gure ikor yat aria!


En kobo ni en ebodo abaka!

Ka igonye, pe ibedo awot a Kaicari.



Iromo wot akaka wange en.

Ogonyo Baraba i kaka wang Yecu. Baraba nwongo otimo bal me nek...



..., 37, 38, 39!



Remo mere pe iwia.



Oreme, Abaka ojudaya!



Nen! En dano man!

Gure ikor yat aria!

Wot wunu kede!

Gure ikor yat aria!



Pilato oketo cinge ingola me too a yecu. Yecu myero byel yat aria be kede ikin yode me Jerucalem...






Ka neko joo tye ooko iyonge apama me boma. Got olwongo Golgota. Gonyo ni Ka cogo wic...



kan omony oguro Yecu ikor yat aria...






Ocoo koppero ote ketto
ikom yat aria ikwone leb
adek. Kwanne ni: 'Yecu,
Abaka Ojudaya...

Yecu okwero mat
ame kweo arem...

Ocirikale olaro bongo
mere kede goyo gagi...




Ee! En pe olaro
joo okene?

ka ibedo Wot Obanga,
yito piny ikor yat aria!



Lare keni
kede wan!

Nyut woro moro bot
Obanga. Wan onwongo
ngo ame wan omioto, en
le pe otimo ginoro arac.



Poyo pira ka
idonyo i locci!

Wek akobi, tini-ni,
ibedo keda I
kabedo me kuc.



Acocok kede cawa abicel me idiceng, colpiny owumo lobo lung. Otero cawa adek...



Maliam, toto a Yecu, kede Lakana, akwena mere, tye aneno.

Man dong ibedo wunu toto kede wod.



Obanga-na, Obanga-na, ibola pingono?



Dwona otwoo okoo...




Papa, ajalo kwoo-na icingi.



Dong otum...

Yecu otoo cawa abongwen me otyeno. Amony acel ocobo langet Yecu. Pii kede remo okato ooko. Cunye otur...



Ocoo iyi Buke ni: "Obino otere bala atin romo ame otye atero ika ngollo ngute."



"Obin otere arac pi rac-wa, oneke pi bal-wa."



En onwongo obedo Alar ame myero nwongo bin ya pe?



Bin, obino penyo ka oromo yike.



Yocepu me Arimetea gin kede Nekodemu okwanyo piny kom Yecu ikor yat aria. Oboe gini kede bongo ocweo kede tol ote pyelle i lyel me lela...



Iyonge nine me weo ame
oyubu pi kato, monoro
owoto i lyel...



Gweng tye oloro
okoo tenge!



Ngo ame omio wu itye iyenyo
wunu ngat akwoo ikin joo
otoo?. En ocer okoo. Wot
ikob okwena mere!



Ikare ame gin
owinyo man, Petero
kede lakana
ongweco ika lyel...






Ngo ame otimere?



Yi lyel tye
nono
odoce.







Nino naca, okwena a Yecu aryo ame cuny-gi otur, onwongo otye olaro gini lok kede ngatoro ame tye abeo i yoo ame kwakko nekho Yecu...

Pe iye wunu kop onebi? Pe nwongo Alar myero canne me donyo iker? Nwongo dong ocoo okoo iyi Buke. Ginoro ducu iyi buke kunu tye ikome.



Ikare ame tye akobbo ogati, welo gi te rwenyo atura...


Ento manno nwongo Yecu en ikome!



Gin oya oyot me moyo owote-gi i yerucalem...

Wan oneno Rwot!

Maliang dang! Petero dang!



Awangacel atura...

Kuc bed bot-wu!







Pe iye wunu ni obedo an? Nen cinga kede tyena!




Rwota kede Obanga-na!

Yecu onen bot olubbe ikine me nine pyer angwen. En dang orwate kede joo mia abic awange acel. Okwena mere odok cen i Galilaya. Nino moro acel ame gin dok tye acikko rec...





Petero, ateteni yin imara?



Yecu openyo Petero kede apenyi tyen adek...



Eh Rwot, yin ingeo ni amari.

Kwaa romi-na.



Lub yora!

An anwongo twero moro ducu i polo kede lobo. Wot iwi podo lung ite miyo gi dokko olub kora. Bato gi inying Papo kede me a Wot kede me a Cunyaleng. Pwony gi me timmo jami ducu ame akobo bot wu.




Poyo kara keken ni, an atye ked-wu ikare ducu, nino acel-acel, naka lobo anyen bino tunu!

Iyonge lok man Yecu oweko lobo. Otinge otere malu i polo. Ento en okobo ni ibino dok dwogo...

Olub kor Yecu odong cen iyonge me lego. Iyonge nine pyer abic, inino me Pentakoti, cuny Acil obino kede iwi okwena. Cuny acel-lo ame nwongo tye ikom Yecu dong aman tye ikom-gi kede joo ame yee ikome. Olub yore obedo ocadene mere dang. Joo meddo kede joo okene apol owinyo kop akwako Yecu...

Winy wunu! Too nwongo pe romo juko Yecu. Obanga ocere odwoggo en obedo kwoo te miye bedo Rwot. Yecu en aye obedo dano me acaki ame otero kede kica Obanga. Dang kica no tye bot-wa ducu!



Olub kor Yecu oket iwi lobo lung akadi nen ni jemo ikom gi tye adwong...

Yecu obedo wod Obanga! Amano dang, wan oromo dokko otino Obanga!




Amut man dang tye orabo ni-beo icyoyo balu...

An lewic pe maka ikom amut aber-ni. Obedo teko Obanga ame Laro-joo. Cwan ocoo okoo con iyi Buke: "Ka iye iye, yin iber inyim Obanga. E ka ibino kwoo!"



Aman dong pol a joo tye amedde ameda iwi lobo lung lego karacel kede kwano Baibul. Okwoo gini kede kica Obanga. Gin onwongo mara Obanga. Gin omare ikin gi ken gi dok konyo joo ame tye ican. Omaro dang okwor-gi. Opoko gini ogati ote leyo bini me poyo wi-gi ni bal-gi dong owekere. Dok ni onwongo gini kwoo anyen ame tye kede gupu adwong, opong kede Cuny Obanga...

Yecu omio dong twere me joo
bedo karacel kede kuc...



Dwok wunu pwoc pi mara
mere! Pwony wunu ibote!
Ite wore wunu!

Obanga ocwallo wode iwi lobo pe
me ngolli wa kop, ento me laro wa.
Pien obanga maro wa atek, omio en
omio wa wode acel keken. Ngatoro
ducu ame yee ikome pe dong bino
rweny, ento bino nwongo kwoo
aperakino.



WILLEM DE VINK


BAIBUL

Kop ikom Yecu tye ocoo iyi Baibul. Pe tye bukoro ame okwano, dok okwano, tyen apol ame kato Baibul. Obedo Buk ame opong kede buke. Otero mwaki 1,500 me coyo buke-ni ducu. Otyeko coyo Baibul cocok mwakki 1,900 anגע. Tye kede kodi kop ducu akwako kit ame Obanga tiyo kede iyi kwoo a dano. Kop ikom Yecu nyuto aber odoco nga ame Obanga obedo.

KOP ME KWOO A YECU

Baibul tye kede buke angwen ame tito kite me kwoo a Yecu. Ocako nying-gi kede nying joo ame ocoo. Joo ocoo ducu obedo tye I kare a Yecu

- 1. Matayo** - a'kwena a Yecu. En nwongo tio acalo araa ocoro. En tito kit ame yecu otio kede joo me Icarael.
- 2. Marako** - nwongo pwod obedo awobi ikare ame Yecu otio ticere. Ocoo buk ikom tango ame Yecu otimo.
- 3. Luka** - nwongo obedo dokta me dakatal. En nwongo pe ngeo Yecu ikome. Luka tito kit ame Yecu otio i joo kede.




- 4. Lakana** - nwongo dang obedo alub kor Yecu. Polere en onyuto yore-iyore acil nga ame Yecu obedo. Yecu obedo Obanga, ame odoko dano me gonyo joo ikom bal-gi.

NYWALLE A YECU

Tota Yecu, Maliam, nwongo pwod pe onyomere ikare ame oyaco kede Yecu. Nwongo pwod pe ongeye kede i coo naka iyonge ame onywale. Aco kono Obanga nwongo oyiko ni obino nywalo Yecu. Tango-ni nwongo orabo iyi buke ame ocoo con ame kare a Yecu nwongo pwodi. Pe onywalo Yecu calo ateka onyo ngatoro ame pire dit. Joo onywale iyi weer-dok calo bala cika moro me ot dong nwongo pe odong.

TANGO A YECU

Yecu otimo tangu apol. Baibul cimo cango ame kato 40 okoo. Nibeo ikom tango-ni, yecu onyutu teko kede mar Obanga kede ni En tye amitto kony nyo joo kede miyo yi-gi bedo a yom.



TOO KEDE CER A YECU



Ngo ame omio Yecu otoo? Agamere tye omio iyi Baibul.

Joo ducu timo gin ame pe tye kakere icawa mogu. Jami ame Obanga pe ye ni otim kede wango yie nyo cwero cunye. Olwongo gi ni bal. Bale no ducu romo gengo joo bedo owote kede Obanga.

En ngo ame omio Yecu obino en-no. Pire kene, Yecu oyeo pwod-pi bal wa ducu iwie. Pwodo nwongo obedo too. Pien Yecu otoo pi wan, wan dok oromo dokko owote kede Obanga. Ento cuny-wa myero cwer ikom ngo ame wan otimo arac.

Yecu ocer iyi akina joo otoo. Obanga omie odoko a kwoo doki. Iyore man, Obanga onyuto ni en etek iloo too.

Yecu dong kwoo gin Obanga. Dang pien En kwoo, En kare ducu romo bedo awot-wa. En mito konyo waa me bedo i kit kwoo ame kelo yomyic bot Obanga.

Kwayo Obanga

Ka cunyi cwer pi jami areco ame yin itimmo, kede ka imitto bedo awot kede Obanga, iromo leggo lego abedo aman:

“Ama Obanga, Yin imara.

Imio wodi Yecu acel keken.

En otoo ikor yat-aria pi jami ducu areco ame atimo.

Ama, tima kica pi jami areco ame an atimmo. Akwao kica.

Apwoyo, pien ni Yecu tye tung bota.

Kare ducu amito bedo meri.

Iromo konynya me kwoyo kit kwoo ame Yin imito ni an akwoo?

Kare ducu ibino bedo aceggi keda?

Apwoyo me gammo lego na.

Itimo ngo ame Yin icikere me tiyo!”

YECU GIN KEDI

Kop ikom Yecu tye kan aler. Yecu odoko awot a lwak jo apol ata, ikare naca kede naca ikare atin. Wilobo olokere. Pol a joo pe dong nyono kana onyo agura-gura ento woto kede otoka onyo dege. Ento man pe kelo alokaloka moro bot Yecu. En romo bedo acegi ked-wa acalo kit ame en yat woto kede ilobo Icarael. En romo bedo ame pe nen, ento en tye akome. En tye amitto bedo awot piri tin. Iromo cikko yiti Bote dang iromo maro En.

Itye imitto ngeyo jami apol ikom Yecu kede ikom kite me bedo kede Yecu ikwoo-ni? Nwongo iromo timmo jami magi:

1. Cak kwanno Baibul apiri keni (me aporere cak kwanno kan ame Luka ocoo).

2. Cak Kwayo Obanga (lok kede Obanga kede cikko yit Bote-pe myero itii kede nyig lok ame pire dit twa-twal).

3. Lok kede joo okene akwako Yecu kede Baibul. Yecu mito ni olub-yore rwatte karacel te cukuru cuny-gi ikin-gi me ngeyo kop ame kwako En. terwyl hulle meer van Hom leer.

Publisher: Global Children Uganda

A community based organization Lira City.

Plot 8 Aputi Road, Lira City, P.O. Box 680, Lira, Uganda

E-mail: globalchildrenug@gmail.com

Acknowledgement to the following;

Dara Christian High School: Ayo Edward, Ayo Susan, Moto Robinson, Atigo Ronald, Auma Caroline Joyce

Victory Outreach Ministries: Rev. Dr. Milton Ogwal, Mumy Irene Ogwal, Rev. Nyankori Apollo

RUKAhub Uganda: Richard Adupa, Lydia Adupa, Sam Ogwang & Shadrack Agola

Lango Language Board & Master Student At Lira University: Emma Okello

Pastor Felix Eca TLT-Facilitator (PAG Church)

Team From Global Children Uganda

Text and illustrations: Willem de Vink.

Copyright © 1993 Stichting Wereldtaal, Rotterdam, The Netherlands.

Published in Dutch as “Jezus Messias”.

Edition in Lango (Uganda) © 2024

Digital copyright under the terms of the Creative Commons BY SA license

All rights of translation, reproduction and adaptation reserved for all countries.

E mail: jmpbk.app@gmail.com

<https://www.jesusmessiahcomicmedia.com/uganda>

YECU ALAR: Man obedo kop ikom YECU obedo Alar. En okwoo iyi Icreal mwakki 2000 anged. Joo ducu ame orwatte kede owuro atek. Ngatoro nwongo pwod pe otimo. Dano moro nwongo pwod pe kobo ngo ame en okobo. Tango obedo tiyye kan ame Yecu nwongo tye iye Dok en okelo yomcuny kede kwee-cuny bot jo ducu ame owinye. Ento a pe orii te gik okkoo Okworere omio onekke. Ento mano pe obedo agikki. Kwan piri keni kit ame otiyo kede wek inen kite ame lok ikom Yecu obedo Alar mede kede.



Leb: Lango (Uganda)

Language: Lango (Uganda)

ISBN: 978-94-93321-57-1